



# FOMENTO DO EMPREGO EN COOPERATIVAS E SOCIEDADES LABORAIS

SUBVENCIONS **2015** BASES E CONVOCATORIA

XUNTA DE GALICIA

3

### Convocatoria de axudas para o ano 2015

1. Finalidade
2. Beneficiarias
3. Solicitudes e prazo
4. Período de execución das accións
5. Xustificación das accións subvencionadas

4

#### PROGRAMA I

### Fomento do emprego en cooperativas e sociedades laborais

1. Finalidade
2. Beneficiarias
3. Contía das subvencións
4. Criterios de avaliación

5

#### PROGRAMA II

### Fomento do acceso á condición de persoa socia

1. Finalidade
2. Beneficiarias
3. Contía das subvencións
4. Criterios de avaliación

6

#### PROGRAMA III

### Impulso de proxectos empresariais cooperativos e asistencia técnica

1. Finalidade
2. Beneficiarias
3. Accións subvencionables e contía
4. Criterios de avaliación

7

#### PROGRAMA IV

### Promoción das cooperativas xuvenís

1. Finalidade
2. Beneficiarias
3. Obxecto e contía das subvencións
4. Criterios de avaliación

# Convocatoria de axudas para o ano 2015

Convócanse para o ano 2015, en réxime de concorrencia competitiva, as subvencións para os programas de fomento do emprego en cooperativas e sociedades laborais, reguladas pola Orde do 3 de xullo de 2015 pola que se establecen as bases reguladoras dos programas de fomento do emprego en cooperativas e sociedades laborais e a promoción do cooperativismo (DOG núm. 133, do 16 de xullo de 2015).

## 1. Finalidade

Esta orde ten como finalidade fomentar a incorporación de persoas desempregadas e persoas traballadoras temporais a cooperativas e sociedades laborais e apoiar o desenvolvemento de proxectos de emprendemento, a través de catro programas.

## 2. Beneficiarias

Con carácter xeral as beneficiarias deberán reunir os seguintes requisitos:

- 1) Estar ao día das súas obrigas tributarias e de Seguridade Social.
- 2) Non ter sido sancionadas mediante resolución firme coa perda da posibilidade de obter subvencións.
- 3) Non estar incursas nas prohibicións para obter a condición de beneficiaria sinaladas no artigo 13 da Lei 38/2003, do 17 de novembro e no artigo 10 da Lei 9/2007, do 13 de xuño, e reunir os restantes requisitos previstos nesta.
- 4) As cooperativas deberán estar inscritas no Rexistro de Cooperativas de Galicia dependente da Xunta de Galicia e as sociedades laborais deberán estar inscritas no Rexistro Administrativo de Sociedades Laborais dependente da Xunta de Galicia e no Rexistro Mercantil.
- 5) As cooperativas e sociedades laborais deberán estar ao día no cumprimento das súas obrigas legais referidas ao depósito de documentos e inscrición de acordos sociais nos rexistros competentes.

## 3. Solicitudes e prazo

1. O prazo para a presentación de solicitudes será dun mes a partir do día seguinte ao da publicación desta orde no DOG.

2. As solicitudes de subvención deberán presentarse por separado para cada un dos programas desta orde, nos modelos de solicitude que figuran como anexos, acompañadas da documentación reseñada na orde.

As solicitudes poderán presentarse:

\* por vía electrónica, a través do formulario normalizado dispoñible na sede electrónica da Xunta de Galicia, <https://sede.xunta.es>. Para a presentación de solicitudes será necesario o Documento Nacional de Identidade electrónico ou calquera dos certificados electrónicos recoñecidos pola sede electrónica da Xunta de Galicia.

\* en soporte papel, en calquera dos lugares e rexistros establecidos no art. 38.4 da Lei 30/1992, do 26 de novembro, utilizando o formulario normalizado dispoñible na sede electrónica da Xunta de Galicia. En caso de enviarse por correo, o envío deberá ser certificado, co selo de correos na primeira folla do formulario para garantir que a data de remisión é anterior á de peche da convocatoria.

Os formularios de solicitude tamén poderán ser obtidos, cubertos e validados pola solicitante a través da aplicación informática á que se poderá acceder igualmente a través da páxina web da Consellería de Tránsito e Benestar (<http://traballoebenestar.xunta.es>). As solicitudes obtidas a través desta aplicación informática deberán presentarse en soporte papel por calquera dos medios establecidos no art. 38.4 da Lei 30/1992, do 26 de novembro.

## 4. Período de execución das accións

1. Con carácter xeral e para todos os programas o período de execución de accións abranguerá desde o 1 de xaneiro de 2015 ata o 14 de novembro de 2015.

2. Excepcionalmente e para posibilitar a atención de proxectos iniciados en períodos en que a convocatoria de subvencións estivo pechada, as accións realizadas entre o 8 de abril de 2014 e a data de publicación desta orde poderán dar lugar ao acceso á condición de beneficiario. Porén o gasto subvencionable corresponderá ao último trimestre do 2014 e ao exercicio orzamentario do 2015.

## 5. Xustificación das accións subvencionadas

As beneficiarias das subvencións deberán xustificar o investimento conforme á resolución de concesión e solicitar os correspondentes pagamentos mediante solicitude conforme ao modelo do anexo VI, VIII, X ou XII, en función do programa que se trate.

A data máxima de xustificación das accións subvencionadas será o 16 de novembro de 2015.

## Fomento do emprego en cooperativas e sociedades laborais

### 1. Finalidade

Fomentar a incorporación de persoas desempregadas e de traballadores e traballadoras con carácter temporal, como socios e socias traballadoras ou de traballo de cooperativas ou sociedades laborais, con carácter indefinido.

### 2. Beneficiarias

1. Cooperativas e sociedades laborais que incorporen como persoas socias traballadoras ou de traballo ás seguintes persoas:

a) Persoas que no momento da incorporación sexan desempregadas inscritas como demandantes de emprego no Servizo Público de Emprego.

Para os efectos desta subvención, o requisito de ser persoa desempregada e estar inscrita como demandante de emprego no Servizo Público de Emprego deberá cumprirse na data de alta da persoa socia traballadora no correspondente réxime da Seguridade Social.

b) Persoas vinculadas á cooperativa ou sociedade laboral por un contrato de traballo temporal non superior a 24 meses, cunha vixencia mínima de 6 meses á data da súa incorporación.

A incorporación deberá supoñer incremento do emprego fixo e do número de persoas socias traballadoras ou de traballo da cooperativa ou sociedade laboral beneficiaria da subvención, respecto á media dos últimos 12 meses anteriores á incorporación dos novos socios e socias por quen se percibe a subvención.

Para os efectos do incremento do emprego non se terán en conta os traballadores e traballadoras temporais, nin os socios en situación de proba.

2. Non poderá concederse esta subvención cando se trate de:

- incorporación de persoas socias traballadoras ou de traballo que tiveron tal condición na mesma cooperativa ou sociedade laboral, nos dous anos anteriores á súa incorporación como socios ou socias, agás cando fose en situación de proba.

- incorporación de persoas polas que se obtiveron as subvencións previstas para a contratación de directores ou xerentes ou para apoio ás entidades que presten servizos de natureza social e á comunidade, nos últimos cinco anos.

3. En todo caso a cooperativa ou sociedade laboral deberá acreditar a viabilidade do seu proxecto empresarial.

### 3. Contía das subvencións

1. Tanto no suposto previsto no apartado a), como no apartado b), do número 1 do punto anterior, a contía da subvención será de **5.500 €** por cada persoa que se incorpore a xornada completa. Estas contías veranse incrementadas do seguinte xeito:

a) Cando a persoa incorporada sexa unha muller a contía da subvención **incrementarase en 1.500 € ata 7.000 €**.

b) No caso de persoas en situación de exclusión social pertencentes a algún dos colectivos contemplados no Programa de Fomento do Emprego vixente no momento da incorporación como socio, a contía da subvención **incrementarase en 2.500 € ata 8.000 €**.

c) No caso de persoas con discapacidade igual ou superior ao 33%, a contía da subvención **incrementarase en 4.500 € ata 10.000 €**.

2. A incorporación poderá ser a xornada completa ou a tempo parcial. Cando a dedicación sexa a tempo parcial, deberá comprender como mínimo o 50% da xornada ordinaria calculada en función da xornada a tempo completo establecida no convenio colectivo de aplicación ou, no seu defecto, na xornada ordinaria legal e a contía dos incentivos previstos no apartado anterior reducirase ao 50%.

3. No caso de cooperativas xuvenís as devanditas contías incrementaranse nun 25 %.

4. A contía máxima que poderá ser concedida a unha beneficiaria por subvencións con cargo ao programa I será de 50.000 euros.

### 4. Criterios de avaliación

A concesión e contía das subvencións, que se realizará en réxime de concorrencia competitiva, estará en función dos seguintes criterios:

1. Emprego xerado: 2 puntos por cada persoa incorporada ata un máximo de 10 puntos.

2. Porcentaxe de mulleres no emprego xerado: 10 puntos cando a porcentaxe de mulleres incorporadas sexa igual ou superior ao 50%.

3. Contribución á integración de colectivos en situación de exclusión social: 10 puntos cando se incorpore algunha persoa pertencente a algún dos colectivos en situación de exclusión social.

4. Actividades desenvolvidas no marco dos novos viveiros de emprego definidos pola Unión Europea: 10 puntos no caso de que a cooperativa ou sociedade laboral se desenvolva no devandito marco.

5. Incorporación de novas tecnoloxías da información e as comunicacións: 10 puntos cando a memoria técnica e económica ou plan de empresa, contemple a incorporación das tecnoloxías da información e as comunicacións na xestión empresarial.

6. Desenvolvemento de proxectos de I+D+i: 10 puntos no caso de que a actividade para a que se solicita a subvención garde relación directa con proxectos de I+D+i.

7. Incidencia na creación e mantemento do emprego no contorno xeográfico no que se desenvolva a actuación: 5 puntos cando a cooperativa ou sociedade laboral teña o domicilio social nun concello que teña 30.000 habitantes ou máis, e 10 puntos cando o concello teña menos de 30.000 habitantes.

8. Contribución á mellora medioambiental: 10 puntos cando a memoria técnica e económica ou plan de empresa, prevea e avalíe especificamente a contribución da cooperativa ou sociedade laboral á mellora medioambiental.

## Fomento do acceso á condición de persoa socia

### 1. Finalidade

Fomentar o acceso á condición de socios e socias traballadoras ou de traballo, de cooperativas ou de sociedades laborais, así como fomentar o acceso de persoas emprendedoras por conta propia á condición de socias de cooperativas. Este acceso facilítase mediante o financiamento das achegas económicas ao capital social que debe desembolsarse para a incorporación como socio ou socia.

### 2. Beneficiarias

Poderán ser beneficiarias deste programa de subvencións:

- As persoas desempregadas inscritas como demandantes de emprego no Servizo Público de Emprego, que accedan á condición de persoa socia traballadora ou de traballo dunha cooperativa ou sociedade laboral
- As persoas socias a proba de cooperativas e as persoas asalariadas de cooperativas ou sociedades laborais, que accedan á condición de persoa socia traballadora ou de traballo.
- As persoas que figuren de alta no Servizo Público de Emprego de Galicia como demandantes de mellora de emprego e que accedan á condición de persoa socia traballadora ou de traballo de cooperativas ou sociedades laborais
- As persoas que se incorporen como socias traballadoras ou de traballo, en virtude da transformación da empresa na que presten servizos en cooperativa ou sociedade laboral.
- As persoas desempregadas inscritas como demandantes de emprego no Servizo Público de Emprego, que emprendan unha actividade por conta propia e se incorporen nunha cooperativa como persoas socias, con compromiso de exclusividade, para comercializar os seus produtos, obter subministracións, servizos e a asistencia técnica que precisen.

Será necesario acreditar a viabilidade do proxecto empresarial ao que se incorpore a persoa solicitante (no caso dos apartados a, b, c e d) ou da actividade económica que a persoa realizará por conta propia (no caso do apartado e).

### 3. Contía das subvencións

1. A contía das subvencións para as beneficiarias previstas no punto anterior, apartados a), b), c) e d) poderá ascender **ata 4.500 €** para a incorporación a unha cooperativa e **ata 3.000 €** para a incorporación a unha sociedade laboral.

A incorporación poderá ser a xornada completa ou a tempo parcial. Cando a dedicación sexa a tempo parcial, deberá comprender como mínimo o 50% da xornada ordinaria calculada en función da xornada a tempo completo establecida no convenio colectivo de aplicación ou, no seu defecto, na xornada ordinaria legal e a contía dos incentivos reducirase ao 50%.

2. A contía das subvencións para as beneficiarias previstas no punto anterior 2.1. e) poderá ascender **ata 3.000 €**.

3. As contías referidas nos anteriores apartados en ningún caso poderán ser superiores ás que corresponda subscribir en concepto de achega de capital social e cota de ingreso, ou de accións ou participacións sociais de ser o caso, pola incorporación como socio ou socia.

4. Non poderá concederse esta subvención cando se trate da incorporación de persoas socias que obtiveron unha subvención para financiar a achega ao capital social de cooperativas ou sociedades laborais durante os últimos cinco anos.

5. No caso de cooperativas xuvenís as devanditas contías incrementaranse nun 25 %.

### 4. Criterios de avaliación

A concesión e contía das subvencións, que se realizará en réxime de concorrencia competitiva, estará en función dos seguintes criterios:

- Por ter a condición de persoas con discapacidade: 10 puntos
- Por ter a condición de mulleres: 5 puntos
- Polo tempo de permanencia no desemprego: 1 punto por cada mes ata un máximo de 20 puntos
- Por ter a condición de persoas asalariadas da cooperativa: 20 puntos
- Por ter a condición de persoas asalariadas da sociedade laboral: 10 puntos
- Polo tempo de permanencia como demandante de mellora de emprego: 0,20 puntos por cada mes ata un máximo de 5 puntos
- Pola incorporación como persoas socias de sociedades cooperativas: 20 puntos
- Por incorporación como persoa socia traballadora ou de traballo a unha microempresa: 20 puntos

## Impulso de proxectos empresariais cooperativos e asistencia técnica

### 1. Finalidade

Fomentar o cooperativismo e a economía social, concedendo subvencións que faciliten a posta en marcha dos proxectos empresariais, tanto de nova creación como xerados polas cooperativas e sociedades laborais existentes.

Terán a consideración de proxectos empresariais subvencionables, os seguintes:

- Constitución de cooperativas ou sociedades laborais.
- Transformación doutras fórmulas empresariais en cooperativas ou sociedades laborais.
- Lanzamento de novas áreas funcionais ou territoriais de actividades das cooperativas ou sociedades laborais existentes.

### 2. Beneficiarias

- Cooperativas e sociedades laborais que realicen proxectos empresariais subvencionables.
- Persoas físicas e empresas privadas que presten os servizos de asesoramento e acompañamento de proxectos recollidos no artigo 42 das bases reguladoras.

### 3. Accións subvencionables e contía:

#### 1. Gastos de constitución

Poderán subvencionarse ata o 75% dos gastos ocasionados con motivo da formalización e inscrición da escritura pública e demais trámites derivados do proceso de constitución de cooperativas ou sociedades laborais, ou de transformación se é o caso, **ata un máximo de 1.500 €** para gastos de notaría e inscrición en rexistros oficiais e **500 € adicionais** para a realización doutros trámites.

Igualmente poderán subvencionarse ata o 75% dos seguintes gastos:

- Elaboración de estudos de viabilidade, de organización, de comercialización, auditorías e outros informes de natureza análoga, necesarios para a posta en marcha dos proxectos empresariais, **ata un máximo de 1.000 €** cando integren menos de 10 persoas socias e **ata un máximo de 3.000 €** cando integren 10 persoas socias ou máis.
- Elaboración dos estatutos sociais e regulamentos de réxime interno necesarios para a posta en marcha dos proxectos empresariais, **ata un máximo de 2.000 €**.

#### 2. Formación empresarial

Esta subvención irá destinada ao financiamento parcial de cursos de dirección e xestión empresarial, co fin de cubrir as necesidades de formación das persoas socias que se incorporen a cooperativas e sociedades laborais.

A contía da subvención será de ata o 75% do custo dos servizos prestados e calcularase tendo en conta os seguintes límites máximos: 20 euros por cada hora de duración efectiva multiplicados polo número de persoas socias participantes na actividade, cun límite máximo de 1.000 euros de subvención por cada persoa socia incorporada á cooperativa ou sociedade laboral que participe na formación e **5.000 euros** de subvención por cada beneficiaria.

#### 3. Asesoramento e acompañamento de proxectos

Poderán outorgarse subvencións para a contratación da prestación do servizo de asesoramento e acompañamento de proxectos, que comprenderá desde a realización de actividades previas ao inicio da actividade, tales como a orientación do proxecto e accións formativas e informativas de grupo promotor, ata a elaboración do plan empresarial da cooperativa ou sociedade laboral, o seu seguimento e asesoramento na execución.

O asesoramento e acompañamento subvencionable unicamente poderá ser prestado por persoas físicas ou empresas privadas que contén con persoal, propio ou concertado, con coñecementos e formación específica en cooperativismo e economía social, xestión empresarial, asesoría xurídica e xestión societaria.

A contía da subvención ascenderá a **30 € por hora** de información, formación ou asesoramento por cada proxecto. O número mínimo de persoas asesoradas por proxecto será de tres. Establécense os seguintes límites máximos para a subvención, en función das persoas físicas promotoras directamente asesoradas:

- De 3 a 5 persoas promotoras: ata 250 horas
- De 6 a 10 persoas promotoras: ata 300 horas
- Máis de 10 persoas promotoras: ata 350 horas

Esta subvención resultará incompatible coas subvencións por gastos de constitución e por formación empresarial.

### 4. Criterios de avaliación

A concesión e contía das subvencións, que se realizará en réxime de concorrencia competitiva, estará en función dos seguintes criterios:

- Polo emprego previsto, 2 puntos por cada persoa socia traballadora ou asalariada que se incorpore á cooperativa ou sociedade laboral.
- Pola constitución de microempresa, 10 puntos.
- Pola constitución da empresa en zona desfavorecida ou de montaña (anexo XIII), 10 puntos.

## Promoción das cooperativas xuvenís

### 1. Finalidade

Apoiar o desenvolvemento de proxectos de creación de cooperativas xuvenís mediante subvencións para o financiamento dos custos derivados do lanzamento da actividade.

### 2. Beneficiarias

1. As cooperativas xuvenís de nova creación formadas maioritariamente por persoas socias traballadoras ou de traballo que teñan entre 16 e 29 anos de idade, poderán acollerse ás subvencións para o financiamento de custos previstos neste programa por unha soa vez.

2. Para os efectos deste programa, consideraranse como cooperativas de nova creación as que non superen os dous anos de actividade, contados ininterrompidamente desde a data de alta no imposto de actividades económicas ou, de ser o caso, da alta no censo de persoas obrigadas tributarias do Ministerio de Economía e Facenda, ata a finalización do prazo de presentación de solicitudes.

### 3. Obxecto e contía das subvencións

1. Poderá concederse unha subvención para financiar parcialmente os gastos correntes derivados do inicio da actividade ata un importe máximo do 75% do seu custo, excluídos impostos. Poderán ser obxecto de subvención os seguintes gastos correntes:

- Arrendamento e mantemento de locais, instalacións, maquinaria e elementos de transporte.
- Materias primas, embalaxes, envases e outros aprovisionamentos necesarios para a produción, agás os que sexan obxecto de simple comercialización.

- Elaboración de material publicitario funxible e anuncios publicitarios nos medios de comunicación.
  - Seguros, gastos financeiros e bancarios.
  - Enerxía, comunicacións e transportes.
  - Material de oficina.
  - Consumibles para equipos informáticos e maquinaria.
  - Mantemento de equipos e sistemas para as tecnoloxías da información e as comunicacións, de páxinas web e de sistemas telemáticos de xestión e para o comercio electrónico.
  - Roupa de traballo e material funxible para a prevención de riscos laborais.
2. O importe máximo desta subvención será de **15.000 €** por cooperativa beneficiaria.

### 4. Criterios de avaliación

A concesión e contía das subvencións, que se realizará en réxime de concorrencia competitiva, estará en función dos seguintes criterios:

- Polo emprego xerado, 2 puntos por cada persoa socia traballadora ou asalariada incorporada.
- Pola constitución de microempresa, 10 puntos.
- Pola constitución da empresa en zona desfavorecida ou de montaña (anexo XIII), 10 puntos.
- No caso de que á entidade non lle fosen concedidas subvencións para a finalidade prevista no programa I da presente ou anteriores convocatorias, 20 puntos.



## CADRO RESUMO DAS SUBVENCÍONS A COOPERATIVAS E SOCIEDADES LABORAIS 2015

PROGRAMA	BENEFICIARIOS/AS	FINALIDADE	CONTÍA
PROGRAMA I Fomento do emprego en cooperativas e sociedades laborais	<p>Cooperativas e sociedades laborais que incorporen como persoas socias traballadoras ou de traballo a persoas:</p> <ul style="list-style-type: none"> <li>Desempregadas inscritas como demandantes de emprego no Servizo Público de Emprego.</li> <li>Vinculadas á cooperativa ou sociedade laboral por un contrato de traballo temporal non superior a 24 meses, cunha vixencia mínima de 6 meses á data da súa incorporación.</li> </ul>	Fomentar a incorporación de persoas desempregadas e de traballadores/as de carácter temporal, como socios/as traballadoras ou de traballo de cooperativas ou sociedades laborais, con carácter indefinido.	Variable por cada persoa que se incorpore segundo o colectivo de pertenza. Dende 5.500 € ata 10.000 €. Máximo por beneficiaria: 50.000 €
PROGRAMA II Acceso á condición de persoa socia	<ul style="list-style-type: none"> <li>Persoas desempregadas ou demandantes de mellora de emprego que accedan á condición de persoa socia traballadora ou de traballo dunha cooperativa ou sociedade laboral.</li> <li>Persoas socias a proba de cooperativas e persoas asalariadas de cooperativas ou sociedades laborais, que accedan á condición de persoa socia traballadora ou de traballo.</li> <li>Persoas que se incorporen como socias traballadoras ou de traballo, en virtude da transformación da empresa na que presen servizos en cooperativa ou sociedade laboral.</li> <li>Persoas desempregadas que emprendan unha actividade por conta propia e se incorporen nunha cooperativa como persoas socias, con compromiso de exclusividade.</li> </ul>	Fomento do acceso á condición de socios/as traballadores/as ou de traballo, de cooperativas ou sociedades laborais e fomento do acceso de persoas emprendedoras por conta propia á condición de socias de cooperativas, financiando as achegas económicas ao capital social.	<p>Ata 4.500 € para a incorporación a unha cooperativa e ata 3.000 € para a incorporación a unha sociedade laboral.</p> <p>Ata 3.000 € para as persoas desempregadas que emprendan unha actividade por conta propia e se incorporen a unha cooperativa.</p> <p>En ningún caso, poderán ser superiores ás que correspondan a subscribir en concepto de achega de capital social e cota de ingreso, ou de accións ou participacións sociais.</p>



PROGRAMA	BENEFICIARIOS/AS	FINALIDADE	CONTÍA
PROGRAMA III Impulso de proxectos empresariais cooperativos e asistencia técnica	<ul style="list-style-type: none"> <li>Cooperativas e sociedades laborais que realicen proxectos empresariais subvencionables.</li> <li>Persoas físicas e empresas privadas que prestan os servizos de asesoramento e acompañamento de proxectos.</li> </ul>	<b>(1) Subvención para gastos de constitución:</b>	
		a) Gastos de constitución: formalización e inscrición da escritura pública e demais trámites.	Ata o 75% dos gastos cun máximo de 1.500 € para gastos de notaría e inscrición en rexistros oficiais e 500 € adicionais para outros trámites.
		b) Elaboración de estudos de viabilidade, organización, comercialización, auditorías e outros informes análogos.	Ata o 75% dos gastos cun máximo de 1.000 € cando integren < 10 socios/as e de 3.000 € cando integren a ≥ 10 socios/as.
		c) Elaboración dos estatutos sociais e regulamentos de réxime interno.	Ata o 75% dos gastos cun máximo de 2.000 €
		<b>(2) Subvención para a formación empresarial:</b> cursos de dirección e xestión empresarial	Ata o 75% dos custos cun límite máximo de 1.000 € por socio/a incorporado/a formado/a e de 5.000 € por beneficiaria.
<b>(3) Subvención para o asesoramento e acompañamento de proxectos:</b> Desde a realización de actividades previas ao inicio da actividade, tales como a orientación do proxecto e accións formativas e informativas do grupo promotor, ata a elaboración do plan de empresa da cooperativa ou sociedade laboral, o seu seguimento e asesoramento na execución.	Máximo 10.500 € Esta subvención (3) é incompatible coa prevista nos apartados (1b, 1c) e (2)		
PROGRAMA IV Promoción das cooperativas xuvenís	<ul style="list-style-type: none"> <li>Cooperativas xuvenís de nova creación formadas maioritariamente por persoas socias traballadoras ou de traballo que teñan entre 16 e 29 anos de idade</li> </ul>	Axuda directa para financiar parcialmente os gastos correntes derivados do inicio da actividade.	Ata o 75% dos gastos correntes derivados do inicio da actividade, cun máximo de 15.000 € por cooperativa.

Este é un cadro resumo que pretende unicamente dar unha visión global das axudas. Para coñecer a normativa reguladora e as condicións de obtención das axudas debe ampliarse a información na Orde do 3 de xullo de 2015 pola que se establecen as bases reguladoras dos programas de fomento do emprego en cooperativas e sociedades laborais e a promoción do cooperativismo e se convocan para o ano 2015.

**Prazo de solicitudes:** O prazo de presentación de solicitudes será dun mes a partir do día seguinte ao da publicación desta orde no DOG (DOG núm. 133, do 16 de xullo de 2015).

**Período de execución:** Con carácter xeral e para todos os programas o período de execución de accións abranguerá desde o **1 de xaneiro de 2015 ata o 14 de novembro de 2015**.

# Máis información

## CONSELLERÍA DE TRABALLO E BENESTAR

Dirección Xeral de Traballo e Economía Social  
Edif. Administrativo. San Lázaro, s/n  
15781 Santiago de Compostela  
Teléfono: 981 957 745

Xefatura territorial da Coruña  
Avda. Salvador de Madariaga, 9, 1º  
15008 A Coruña  
Teléfono: 981 185 762

Xefatura territorial de Lugo  
Ronda da Muralla, 70  
27071 Lugo  
Teléfono: 982 294 290

Xefatura territorial de Ourense  
Avda. de la Habana, 79, 7º  
32004 Ourense  
Teléfono: 988 386 401

Xefatura territorial de Vigo  
Concepción Arenal, 8, 2º  
36201 Vigo  
Teléfono: 986 817 753

[www.cooperativasdegalicia.com/normativa/axudas](http://www.cooperativasdegalicia.com/normativa/axudas)



FONDO SOCIAL EUROPEO  
"O FSE inviste no teu futuro"

